

嘉慶松江府志

松江府志卷三十二

學校志

上海縣

縣學在小東門內益慶橋西南

舊鎮學也宋咸淳中邑人唐時措市韓氏屋立文昌宮

請於監鎮董楷建古修堂爲諸生肄習所唐時措董楷俱有記今無

考元至元二十八年鎮陞爲縣三十一年知縣周汝楫

改爲縣學繕葺未竟元貞元年浙西廉訪僉事朱思誠

以屬邑紳費拱辰大德中府判張紀知縣辛思仁縣丞

范天禎增拓之至大二年邑人瞿霆發助田移建於縣

治西

在今西門內淘沙場

延祐元年縣丞王珪復遷舊址

至今至

正十一年知縣劉輝創教諭廳講習堂監縣兀奴罕縣丞張議復葺殿廡齋舍後知縣何緝別建明倫堂前東西二齋曰育英曰致道

元貞建學記 邑有學始於漢至魏令縣五百戶置校官唐開元敕州縣鄉置一學擇師教授宋慶歷學者二百人許置縣學縣是黌舍偏諸邑其制雖亞泮宮所以右文隆禮化民成俗無異蓋取古者鄭人游鄉校百里皆有師之遺意也上海舊為鎮嘗像聖先師於梓潼祠又有古修堂為諸生肄習之地至元辛卯割華亭東北五鄉立縣甲午扁縣學縣尹周汝楫泊教諭諸執事方營建未遑聖上龍飛首下崇儒之詔明年改元浙西廉訪僉司朱君思誠按行是邑適與余偕至起二月朔率其屬拜宣聖殿時縣學以田糧四出皆不得與邑事因委鄉貴萬夫長費拱辰修葺之費諾乃飾正殿完講堂買鄰地而起齋

舍不三月沈沈翼翼如至鄒魯之間游洙泗之上矣  
竊嘗謂道不可一日廢教亦不可一日廢上洋襟江  
帶海生齒十數萬號東南壯縣今廟學一新將見選  
師儒聚生徒聞弦誦之音觀鄉飲酒之儀化番商爲  
縫掖易帆檣爲筆硯其或禮義不行人材不出獄訟  
不釋盜賊不息余弗信已既畢工周尹汝楫唐教時  
措等求余文以紀其成故書漢魏唐宋興學之繇與  
今日關係之大者俾刻石若夫棟宇之未備器皿之  
未全圖像之未足尙有望於邑之諸君元貞元  
年十二月朔松江府知府兼勸農事張之翰記  
大德修學記 上海縣界在海濱商賈百貨所輪會  
昔治以鎮至元二十八年始陞爲縣惟時官署吏舍  
往往更置未暇興學海道運糧萬戶費侯拱辰念里  
居舊有梓潼祠非有功茲土乃改爲學侯沒而學浸  
壞大德六年夏松江判官張君紀始議增修縣丞范  
君天禎欣然以爲己任首捐俸錢爲衆倡作軒於殿  
外又新夫子像繪先賢兩廡爲外門三學門一朱扉  
儀輟舉以法階凡渠道治使端直尹辛君思仁助爲  
垣一百三十尺前通泮水施橋其中復古諸侯學宮  
之制其春秋薦奠廩士養老則府以其學田若塘界

之合爲畝五百有奇租以石計者一百五十有贏可  
以經久按上海春秋句吳之地吳小且遠至札知樂  
光甚文始通上國今天下一家地大物衆鄉聚成縣  
邑昔之海隅商賈百貨之區禮殿儒宮嚴嚴翼翼  
然不異鄒魯昔子產不毀鄉校君子趨之今賢令丞  
奉上德意來治茲邑非直弗毀又能增新完固以期  
久遠是所幸也士居是學其亦朝思夕勵講德習業  
上承國家長育作成之意以無負賢令丞敦教興學  
之勤則茲學之立豈特游息之所新美之觀而  
已大德九年春二月集賢直學士趙孟頫撰  
至大舍田遷學記上海舊爲鎮至元壬辰始割華  
亭東北五鄉改爲縣越二年始立學前是松江嘗撥  
公田租入之租歲不及額不足以供輸官之數遂以  
還官繼而本道廉訪副使商公繼顯分臬松江改撥  
府學田七頃而荒蕪者二頃僅足供丁祭牲幣之需  
如祭器書籍殿堂齋序咸缺焉至大庚戌僉廉訪事  
吳公彥升巡按是邑慨學宮之隘陋思所以一新之  
邑先達兩浙都轉運鹽使瞿公霆發買民田五百畝  
有奇入之學宮又捐貲以助建學之費乃相基址得  
官地十五畝於縣之西俾同知府事帖不兒海牙董

其役教官湯植翁招諸生謁予求記竊觀易之頤家  
曰頤貞吉養正則吉也觀頤觀其所養也自求口實  
觀其自養也諸君鼓舞聖朝菁莪樂育之化部民者  
勉勵作養之功而又有鄉先達割己產之良田裨學  
廩之不足豐年多黍多稌亦有高廩采藻采芹可以  
觀其所養矣觀其自養諸君亦當加意於此否乎乃  
爲記至大二年夏四月前浙東海

右道肅政廉訪副使臧夢解撰

延祐釋氏舍田記 上海縣鎮爲縣之三年縣始有

學又十年學始有田又九年邑丞王君珪乃改作學

於縣東若干步延祐元年冬歷山張侯如砥來尹是

邦厥既延見諸生視其居則齋廬未治也庖廩未充

也按其籍則田之析於郡庠若出於邑之賢士寓公

者歲爲米不盈四百石惕焉深懼士失其養而學政

之弗舉爰暨學官毛君夢雷謀大其規制爲久遠計

而未知所出也上人善能者聞之介邑人浦元姜濟

請入私田四百九十五畝有奇爲學宮永業以佐經

費侯既納其請則白狀於縣而輸券於學嗣主教事

者方君遇聖以爲向之克有學有田不易如此而上

人一念之頃遽能不受其所有以弛吾乏絕之慮是

學校志

學校下

不宜使後之君子無述也乃伐石徵文爲記嗟乎大道墮裂儒墨之異趨久矣是果不可同歟易稱同人於野亨而謂同人於宗吝夫爲善而不擇其類致亨孰大焉施惠而不私其黨去吝孰先焉縣其通舍其蔽茲所以合異而爲同也侯與吾徒其有取於此矣上人亦嘗學於是耶土地之利其末爾竊獨嘉夫是舉原其大趣而爲之記其目之細則碑陰存焉延祐五年三月將仕郎台州路寧海縣丞黃潛撰至正十一年修學記縣之有學其來尚矣歲久弗葺齋舍墮圯師生靡寧監縣忠武兀奴罕公縣侯承務張議公始至茲邑瞻顧咨嗟大懼學政之不修教基之廢墜也曰惟政本莫先於教辟雍泮宮載在雅頌古人爲治蓋自有本哉於是捐俸以倡募佐姚良能阿德彌實謀畫贊襄邑士費雄等咸輸金助役爰命敎諭于達慎歲租之入節廩稍之費鳩工買材凡祿棟宋柱蝨腐撓折者易之齋廬門廡之未建者完之瓦比甃甃上安下寧戶牖洞達丹堊炳煥重檐翼翔廣庭砥平瞻宮牆足起其敬肅之心居齋舍足安其講習之志壯麗宏偉中式度程凡創造櫺星門大成殿門齋舍二十餘楹垣牆則益其卑而高焉廊廡

則撤其故而新焉講堂則因其舊而整敘焉上人覺  
元者感誠嚮化舍田蕩六百畝有奇輸券於學歲租  
之人承嗣修葺之費俾已成之功保全於弗朽上人  
異教殊科嚮慕若此宜乎化行俗美間里巷社弦歌  
聲聞矣翰林侍講學士中奉大夫同修國史知經筵事黃楷記

明洪武六年同知王文貞修正統五年提學御史彭勗

巡按御史蕭啓諭知縣張楨重修八年颶風壞學舍巡

按御史鄭禹復修

陸友常陸大本金彥英曹永常捐資有差

天順二年知縣

李紋重修後知縣李棨改建講堂增育英致道二齋成

化二十年知縣劉琬構尊經閣

在明倫堂後

宏治七年知縣

董鑰市東南隅地以廣學舍十二年知縣郭經築大成

殿前月臺正德十四年知縣鄭洛書重建大成殿養賢



堂訓導劉昱樹柏於廟門劉充增造祭器嘉靖八年詔

天下建敬一亭於學刻敬一箴及程頤視聽言動箴范

浚心箴

俱勒石  
尊經閣

九年詔天下釐正祀典改大成殿爲

先師廟建啓聖祠於後十七年知縣梅凌雲重修萬歷

三年知縣敖選重修增建東南隅學廡九年教諭徐常

吉建三友軒十二年知縣顏洪範重修

廣明倫堂月臺  
與教諭署汚池

十九年知縣楊遇重修

義民朱  
錦任之

二十三年重修

新安任  
良祐任

之三十一年知縣劉一燠闢地作黌門勒文於壁曰宮

牆壁水三十四年署知縣毛一鷺修四十六年知縣呂

濬修並復學前侵地崇禎七年知縣劉潛修啓聖祠明

# 倫堂

顧或圖籍記 上海為縣自至元二十八年始其有  
學則自三十一年首創之者縣人宣慰費公拱辰因  
而隆之者判官張侯紀縣丞范侯天禎也垣而周之  
通道泮水者縣尹辛侯思仁也崇廣殿宇加敞廡序  
哀藉田糧增置生員者僉憲吳侯彥升縣丞王侯珪  
運使縣人瞿侯霆發及縣尹張侯如砥也其重修者  
縣丞張侯議也創教諭之廳開講習之堂縣尹劉侯  
文大也別建明倫堂及東西兩齋者縣尹何侯緝也  
置禮器雅樂作籩豆爵爵者縣尹蘇侯宗瑞也基侵  
於強民泮私於鄰叟舉之聚之復而完之者今郡同  
知王侯文貞也侯又慮夫舉者或覆聚者或散復者  
或失畫之圖紀之籍俾為將來者守復勒貞石以永  
無窮屬予為記洪  
武癸丑十一月

正統修學記 今天子蒞昨之初特命公卿大臣慎  
選學行堪為後學儀表者二十三人授以風紀之職  
分處天下各賜璽書俾各遵守奉行以期得賢才以  
致治乃少傅楊公首舉吉之永豐彭公祖期為監察

御史專督畿內諸學正統元年九月駐車松之上海  
邑庠謁聖之餘觀諸廢墜曰是誠典茲土者之過也  
維時郡倅清河潘侯俊建陽滕侯康邑令東臯張侯  
碩丞浦城蔣侯文凱等祗承恐後同鳩材僦工而經  
營焉若殿庶齋宇明倫堂前二門則撤而新之文昌  
祠門明倫後堂射亭生舍則特建之戟門饌堂則改  
朽易堅以及祭祀器物亦皆一新越四年冬公復按  
臨瞻茲棟宇翬飛百爾具備喜溢於色願研記之以  
垂勸後來砥礪後進無負少傳公所薦足荷聖君付  
託之重而為後學儀表矣正統五年秋訓導徐研記  
正統九年修學記縣學去縣治東一百二十步巡  
按鄭禺展謁廟下為興學以隆教基丞蕭在淵捐俸  
以倡教諭尹如恢訓導徐研稱其高下  
修堂葺齋告竣相率具書求為之記  
天順二年教諭趙正記縣學屢葺不堅大尹李紋  
欲大其功以經久是圖遂易以懷棟新以輒競樛星  
門易以石柱六屹焉砥立鑒泮池於門北跨以石梁  
肅就儀制巍壯偉觀工竣賦尹李謙謂大尹功有干  
萬世不可無  
者屬筆之

嘉靖十七年歐陽塾記 儒學傾圮久矣梅侯凌雲  
來蒞徽邑之廢寺淫祠爲材籍學之歲入義租爲工  
食肆肇工役三閱月而煥然備矣教諭楊元永問記  
於予乃言曰侯百務未遑先此汲汲可以明志易邪  
爲正通有於無不出公帑不斂民膏可以明政崇德  
之志可以明教因成之政可以明治治教明矣可以  
明學爾師士其無  
負立教明倫意

萬曆十九年陸樹聲記 上海學圯久矣今楊侯蒞  
政顧瞻黌序扼擊咨嗟邑論鄒君明良訓徐君文張  
君問政及邑士湯懋德張所敬謂邑有善人朱錦爲  
義於鄉是役非錦無可任者侯喜按籍得賦役之羨  
召錦授之錦謝勿領退而相度因革所宜七閱月而  
告成葺其所有增其所無拓其所未廣靡不煥然改  
觀強授以所給則復買田百畝於學知禮好義能赴  
公家急者非斯人其疇耶子國輔冲年嗜學克贊厥  
功并  
書之

二十三年徐汝翼記 新安任君僑居海邑暇游黌  
序顧瞻基壤湫隘水潦請於邑侯許公退而鳩工聚

材募舟采石圯者平之卑者阜之關偏者創而更新之若大門外橋星門外左右坊爲石街石場又砌臺栽柏望之鬱若雲衛矣君名良佐號盤石歙縣人

三十四年黃體仁記郡司理毛公來署余邑甫而月還臨發覈其所入捐之先師廟於是庀材鳩工中以達戟門軒如來如矣

四十六年陳所蘊記建學以來敝而葺葺而復敝者屢矣未有若今日之頽敗者呂侯令吾邑蒞學興慨首捐俸誨日經始不閱月棟宇一新宮牆改觀徵文勒石以永侯績

國朝順治三年知縣孫鵬修殿前儀門十一年教諭高遇

修東廡西齋三友軒十五年署知縣高凌雲教諭許三

奇訓導吳士彥重修十八年知縣徐贊教諭曹忱訓導

王汝礪修康熙十年知縣朱光輝重修宮牆壁水八十

餘丈較舊制高廣有加敎諭陳迪葺治尊經閣名宦鄉賢祠十一年知縣康文長增修十三年知縣陳之佐敎

諭馬廷桂修整 文廟及明倫堂十六年重新兩廡及

儀門

孫仕範子大經任之

十九年知縣任辰旦重修啓聖祠及大

成殿儀門兩廡二十二年知縣史彩修兩廡重築殿前

月臺二十四年知縣史彩又修并濬門外泮池

張錫樸修啓聖

祠

五十六年又修

吳銓任之

雍正四年移訓導於南匯以敎

諭專理縣學十年巡道王澄慧修乾隆九年知縣王世

睿修崇聖祠三十三年巡道勞宗發知縣于方桂張世

友同紳士重建

朱之淇之灝建敬一堂李朝宗新明倫堂

四十六年颶風壞

殿極及西廡尊經閣檐巡道盛保署知縣巴哈布同紳士重修并濬內外泮池五十七年教諭李時修嘉慶十三年巡道鍾琦知縣蘇昌阿教諭方浩發同紳士重修

朱朝坤文煜修尊經閣敬一亭其先後紳士捐銀有差皆勒石

順治十五年許纘曾記順治十四年

詔天下修學宮張公視學江南檄諸鄉校首捐廉俸署邑事郡丞高公繼之廣文許吳二君盡捐苜蓿之所有於是諸生割楮墨之餘士大夫亦出筐廩乃先從事啓聖祠次及文廟他如堂閣廡橋莫不頓改舊觀張公宏獎斯文之功洵宏遠矣遂屬予記之康熙十二年許纘曾記學博虞山馬丹谷以修學記爲請曰學爲興教根本廷桂以職所有事不敢怠適當賢侯陳之佐捐俸集事工雖起於辛亥而朱光輝康文長先後經營實訖功於今歲思賢大夫與閭邑飲助之勤請記以垂久予惟學歷代增修有記攸不書而繫以詩六百里中翥鳳翔龍倬彼儒宮靈氣

所宗爰來大賢廣川才子綆汲遺編心探聖鑑  
環瞻雨蝕風侵鳥翼非舊翬飛失嚴化源政本宜用  
丞圖飭材捐俸首邑大夫亥冬丑夏謀始落成雲稜  
霧瓦碧悅丹楹化蜀文翁教行三月來鮑伯起廣厦  
突兀竝被嘉名雲漢以

揭我綴我詩垂勸甚力  
五十六年蔡嵩記學始於至元而大備於延祐自  
殿堂齋廡外所為焦石堂酸窩洗心亭天光雲影池  
芹洲止庵杏壇盟鷗渚舞雩橋蒼松翠柏森然竝秀  
又有養賢堂致道齋育英齋三友軒射亭觀德堂及  
東西號房二十二乙未秋宜興張公鍾岳與武進巢  
公執中來任顧學宮多未整飭無論焦石諸勝不復  
可考而殿堂齋廡日就圯落適部郎吳公銓請假旋  
里左右周覽默計其工料慨然於丁酉秋啓土三閱  
月而竣工瞻顧之間翬飛鳥革吳公祖籍徽州自其  
曾王父遷邑之周浦鎮方成童時父遠公嘗率之觀  
禮於學凡棟宇剝落固已心識之後宦游粵西養利  
州拊循之暇必於學校為兢兢今顧瞻廢墜其能袖  
手退耶遠公名中殺至行醇謹奉學憲林公徽  
已俎豆於學而其子能確守其志可謂賢矣



雍正十年巡道王澄慧記 國家廟祀 孔子視前

代典最隆備

聖祖仁皇帝躬屈萬乘之尊行九拜禮復升朱子次十哲

位明孔子之道所傳

皇上即位首加封孔子五代王號又命海內學士臨文選諱凡六經所用及郊祀鉅制外悉改

本字形體蓋尊師重道之意於是為至顧官吏奉承

有祗有怠振作而興起之不可以後上海學宮宋元

歷明迄今代崇其規自康熙二十四年重修後未有

繼者雍正八年余移駐茲邑甫謁廟下見椽桷朽敝

學堂齋舍夷於榛莽大懼無以承詔旨宣布教澤會攝樞關事量公頃得銀三百七十一兩

請於中丞以新廟學而縣令秦君士禹復佐余不逮

爰屬學博李君射斗董其役鳩工市材易腐增缺凡

檣星儀門官殿兩廡暨祠宇舍明倫堂尊經閣咸

煥然改觀又以紳士之詩擇學宮東南隅鼎建奎星

閣一座六楹三層高與大成殿埒蓋彤家言翼方高

聳最利文運云是役也始於雍正十年壬子仲冬至

甲寅夏乃成共費銀一千五百八十兩有奇其中紳

士樂輸者五百二十兩有奇至祭器樂器之缺與經

聖朝

官籍之生不存者以俟力有餘次第完之繼自今有司學

尊祀

先師之典而諸生退修所業以求不畔於聖

人之道

將作賓致用型仁厚俗余敢不勉勉以冀

乾隆九年

知縣王世睿記 學宮為儒宗之地而崇

聖則聖躬

之所由起也祠宇則聖靈之所式憑也上

年風雨飄搖

以至於圯乃庀材鳩工捐俸

以襄事諸紳士

各擢筐相助克底於成風化之本人材

二十三年

巡道勞宗發記 學校者風化之本人材

所由出也

聖天子

雅意右文鈞陶一世薄海人士喁喁向化上思備

國家之應

求次亦為鄉黨之自好凡以教之有地故

人日向方

其典甚重其制宜加崇矣上海自至元中

始立縣大德

中改文昌祠為學後雖屢有修葺而大

成殿僅三楹

兩廡止長數丈春秋歲祀奉簋豆執羽

籥者肩摩踵

接幾無餘地乾隆丙戌春余奉

簡命觀察蘇

松使署舊在上海任事之明日肅謁文廟

顧而歎曰

上邑固大邑且人文藪也何學之失修若

是邦人士

盍謀鼎新之間者皆踴躍從命於時上海

令山左于

君方柱倡其始繼則裒歸張君世友董其

成邑之紳士莫不爭先樂輸集白金九千餘金鳩庀畢功邑紳朱氏昆弟修尊經閣建敬一亭獨出己貲至千數百金尤人所難是役也始於乾隆丁亥冬落成於戊子之夏卑者崇之狹者廣之巍巍翼翼均易舊觀於事爲困於功爲創一切工料之構費金錢之出入責之紳士董理官胥一無所與并公延原署學博崑山顧君倬量總核其事而學以成是蓋由聖化涵濡之久海隅率俾故人皆觀感興起而崇尚正學

聖澤

以獎勵人材觀察之責也因樂其成而書之

又知縣張世友記

丁亥夏余承乏斯邑觀察勞公

首創改葺學宮之議爰集紳士父老諏宜擇吉首事

大成殿舊三楹偏於東重建五楹移右一丈六尺北倍之以石出土者丈餘石出土爲崇基者四尺餘柱高五丈五尺有奇重檐昂拱邃宇堅牆其前爲階除爲兩廡又前爲戟門殿後寢門夾宇後爲五王殿戟門左右爲名宦鄉賢祠前爲泮池爲圓橋三楹星門舊俱徇街衢斜偏向左今鑿水而右之易華表而高之正其向與兩殿不歧殿左爲尊經閣敬一亭前明倫堂爲兩廊爲儀門爲學門儀門旁爲官廳後爲土

地祠堂左爲師儒署水則古井歸於殿前新渠達於殿後天光雲影池濬而深之宮牆壁水引而新之修其溝道通池貫門自肇嘉浜北出方浜下深上蓋乎吸疏通

### 廟制

### 大成殿奉祀

至聖先師孔子東西配位東西哲位東西兩廡從祀先儒

先賢位

詳府學不具載

正殿五楹月臺右有井曰張公井東西兩廡前爲大

成門列戟如制翼東西左名宦祠右鄉賢祠前泮池

又前爲靈星門面爲宮牆壁水殿後爲崇聖祠儒

學門在靈星門左進爲儀門又進爲明倫堂再進爲

尊經閣最後爲敬一亭魁星閣在學之巽隅教諭宅在東繚垣之外稍北土地祠在其南天光雲影池在西繚垣之外環廟後

崇聖祠奉祀位暨四配東西從祀位

俱同府學不具載

文昌祠 宋景定中唐時措所立元至正七年知縣劉輝遷於學宮北有屠性記明正統四年知縣張楨建祠門成化十年知縣劉宇遷於學之東南隅以舊地改生舍有錢溥記萬歷三年知縣敖選修

國朝順治十八年祠廢教諭曹忱訓導王汝礪移奉神於尊經閣今仍之

文昌祠記 上海始爲鎮時東有文昌祠鎮既陞縣遂改爲學宮而祠其神於東廡至正五年十月縣尹劉侯下車展謁學廟見廡下祠顧謂教諭章服曰此非祠神之所也神教人忠孝其功爲大而科名之籍神實司之聖朝旣錫輔元開化文昌司祿宏仁之號祠之於學固宜終不若專祠於人心爲安於理爲當服感侯言邑士章伯顏慨然以爲己任乃除地學宮之北爲屋四楹像設正中列儀衛左右與凡器具之用工未及畢而侯以憂去服亦秩滿遷後教諭朱以寧力就其緒復以侯意勸章卽祠前爲軒三間周繫其地以石於是籩豆有秩序列有容堂宇觀深塗堅鮮飭稱夫神明之居經始於丙戌冬十月落成於丁亥春三月侯名輝字文大梁人至正七年夏六月徽州路歙縣儒學教諭屠性記

魁星閣 在學之東南隅雍正十年巡道王澄慧建

乾隆二十年五月五日燬四十四年巡道盛保重建  
有邑人公記嘉慶十三年巡道鍾琦知縣蘇昌阿教

諭方浩發同紳士徐鍾杰姜有容重修

簡命重建魁星閣記 長白盛公恭膺

作養人材為先務故於敬業書院以來百廢具舉尤以  
泉亭地脈為文運攸關特隆修舉茲復捐廉俸重建  
魁星閣精闢創始於前觀察河王公諱澄慧度地  
學宮翼方築樓三層供神像以應斗垣告成在雍正  
十二年甲寅歲而己卯月辰丁巳連掇巍科海登顯  
位者不一而足人皆歸美於魁星閣之高聳文峯上  
開象緯迺己亥歲閣失於火科名漸稀屢議興修因  
循二十餘年而未果公毅然自任復一邑之鉅觀需  
費盈千皆出廉俸計匠給工不勞民力規制仍依於  
昔觀瞻倍壯於前六角披雲三層拱日法象則輝煌  
赫耀形勢則縹緲巍巍不乎休哉若天特留此數寸  
年久廢必與之事以待公之成之也繼自今人文蔚  
起科第蟬聯皆公所賜而公為

聖天子育賢升俊之誠心亦永永與傑閣昭垂不朽矣邑  
紳士暨敬業書院諸生因誌感而鐫諸石

名宦祠 祀晉左將軍吳郡太守湘西伯袁山松宋  
提舉松江府市舶分司董楷元松江府知府僕散翰  
文明知縣祝挺戶部尙書諡忠靖夏原吉巡撫南直  
隸工部尙書諡文襄周忱教諭趙正巡撫南直隸兵  
部尙書諡端毅王恕巡撫南直隸右副都御史諡惠  
安彭韶提學御史諡恭愍陳選松江府知府樊瑩知  
縣李蔡知縣鄭洛書知縣黃文煒知縣徐可求巡撫  
南直隸右僉都御史周起元知縣徐日久知縣彭長  
宜

國朝巡撫江南禮部尙書諡文正湯斌總督兩江兵部尙



書諡清端于成龍總督兩江兵部尚書范承勳總督  
兩江兵部右侍郎諡清端傳臘塔巡撫江南吏部尚  
書宋榮學道許汝霖學道邵嗣堯學道張裕端總督  
河道兵部右侍郎諡恪勤陳鵬年總督漕運郎廷極  
學道張泰交巡撫江南禮部尚書諡清恪張伯行學  
道張元臣教諭陳迪學道余正健贈都司右營守備  
司起龍

鄉賢祠 祀唐陸贄顧謙元費拱辰任仁發楊乘明  
全思誠蔣性中李伯璵顧英沈恩張萱陸深張紘朱  
豹潘恩顧定芳李昭祥唐繼祿趙灼蔡紳□□□張

泮潘允端艾可久喬木王圻潘允哲張景平喬拱璧  
黃體仁姚繼祿朱察卿張所望徐光啓張元玘包爾  
庚陸郊徐驥曹國裕葉蕃春葉有聲

國朝陸明允曹垂燦施維翰朱錦葉映榴周明璵張尙文  
王承庚孫仕範沈鳴求曹炯曾吳中毅曹錫寶

附萬歷十八年潘允端重修名宦鄉賢祠記略先  
恭定獲祀於鄉卜日奉安神主願瞻祠宇既隘且圯  
乃斥而新之爲屋三楹者再通爲一堂軒其前者復  
三楹繚以周垣闢門東向并名宦祠亦新之視舊加  
崇爲門西向既成祭告  
如禮爲志其歲月於壁

忠義祠 在縣治西元至大閒學宮舊址東隅本王  
氏素園知縣陳善題爲清源書院康熙閒王俊臣建

文昌閣雍正元年 詔於閒曠地方設立祠宇知縣  
丁銓卽於此立祠 祀明張鶚翼孝子張同文義士  
陳一鳴喬鏗王潭謚忠節顧國縉謚忠烈喬一琦謚  
烈愍孫士美謚烈愍王域謚烈愍朱永祐謚忠節何  
剛謚忠節李待問謚節愍瞿騫謚節愍陳于階謚忠  
烈侯承祖殉難舉人張錫眉學生馬元調封深州知  
州孫訥布衣侯世祿游擊前鋒盛萬年縣學生王匡  
孝子盛坤府學生張秉介孝義鄉飲賓唐姚端  
國朝謚忠節葉映榴孝子夏汝法夏廷彥俞九思陶斯泳  
孝義張有榮丁守安金鶴贈光祿寺少卿趙文哲

節孝祠 在忠義祠西隅祀元至

國朝列女

附曹一士與署知縣欽璉書 節孝一祠惟題旌者得與此

功令也然世代既遠或子姓微弱必不能上聞則有真節真孝名光史冊而終不得與者矣非賢父母斟酌而表彰之何以宣

德意下慰幽魂昨詣祠閱主惟現有子孫及新被旌者數家恐非

聖朝廣授側陋之美意也因取志書再三檢勘若但錄旌表則挂漏實多若於未旌中復加去取偏私滋甚今請製造大木牌二細書深刻一顏之曰

旌表節孝一顏之曰志載節孝姓名以次橫列於下旌表者供堂之正中以尊

王命其志載者即供於正中左右如此功令既無所混淆孤芳又不至湮沒微賤之家莫不感奮

於敬厲人心之道庶有當乎謹呈上牌式二紙即賜裁定發樣付工并空餘地使爲續刻尤荷明德於無

窮矣

### 尊經閣

錢溥尊經閣記 成化二十年上海縣儒學尊經閣  
成是閣也邑宰宜春劉侯治縣又明年政教並孚百  
度咸舉庠舍一新又議地於明倫堂北建閣數楹以  
貯六經聖朝御製諸書及百家子史無不具在而獨  
以尊經名者經以載道也劉侯爲政知經學所富重  
乃倡斯閣以尊崇之俾諸士子誦習之餘游焉息焉  
作新之功豈出文翁下哉且是舉也材不賦而輯役  
不發而至成之亟而民不知其勞古之所謂成大事  
樹大勳而不動聲色者侯其有焉侯名宛字  
德資崇政抑邪令行禁止時稱爲循吏云

### 敬一亭

署巡道韓錫胙敬一亭記 敬一亭者上海學中供

御書之所薦紳朱氏之淇之灝兩兄弟所建也先是上海  
學古圮武林勞公觀察駐上海捐俸廉集紳士仔肩

其事自先師廟明倫堂外貲財不繼羣議置尊經閣為後圖朱氏兩兄弟瞿然曰好義不終何以罔於鄰邑且

聖謨洋洋雜諸陳編殘簡中非敬也遂獨任尊經閣而兼創敬一亭於閣後勢公撰碑嘉之蓋聖賢所以教人者知與行而已尊經致知明倫力行洪惟列聖繼天立極教思無窮製臥碑及訓飭士子文立於學宮我

皇上復親灑翰漢示諸生立志之要願十三經二十三史與諸子百家之書藏弄各學俾諸生以時講貫經明行修為有體有用之材何其施且備哉雲漢天章儲之惟謹故懸象魏之令在邑既有申明亭而

寒咫尺之威在學宜有敬一亭也余前作宰寶山趨謁勞公遇春丁從公陪祀方見朱氏畫基址聚木石為倡始計越五年余從新安移守松江權觀察纂則學中亭閣早已落成而又環以闌檻砌以階石峻以垣墉材富而功倍多聞朱氏兩兄弟俱早貢成均名在銓曹可仕進乃怡悅林泉皓首同居以課其子孫而於學宮風化之地不惜貲鏹以崇巖而丹堊之豈非知本末輕重君子人哉因推勞公之意而詳書之

上海學署 在明倫堂左

門曰樹人堂卽三友軒東有土地祠

師生員額 大清會典額設教諭一員舊額廩增各

十名乾隆二十五年減金山衛額撥縣各一名三十八年減金山衛額又撥縣各一名歲科兩試各取文童十三名金山衛裁撥一名共十四名武童九名歲貢生每四年貢一人拔貢生與南匯學合選

學田 舊四百七十六畝有奇雍正四年分屬南匯外實存田二百三十五畝九分三毫

敬業書院 初名申江書院在縣署北明潘恩宅後爲西域人寓

國朝康熙閒入官乾隆十三年按察司翁藻知縣王挺改建書院三十年巡道李永書移建大門修講堂題爲誠正堂後有春風樓供朱子位其前有觀星臺三十年巡道楊魁川沙同知于方柱署知縣褚邦禮知縣清泰同紳士重修改今名四十六年風潮壞牆垣巡道盛保修四十七年署巡道袁鑑知縣范廷杰重修增建後軒五十九年巡道通恩知縣許堃同紳士改春風樓建爲敬業堂增建穿堂後齋左右書室嘉慶三年巡道李廷敬知縣湯燾同紳士捐貲以足經費十七年巡道鍾琦知縣王大同重整規條通詳存



案

乾隆十三年凌如煥記 觀察翁公前任監司公餘  
欲創立書院旋奉調移有懷未逮嗣從江右調江蘇  
乃倡首捐俸書院肇興時監司託公郡守朱公邑侯  
王公與公同志因邑中有舊籍官產葺而新之爲肄  
業地王公又檢閱公項咸歸學舍以資養育  
於是士民感奮樂輸一切規制次第告成  
三十五年巡道楊魁記 書院創自前觀察武林翁  
公規模寢備今來學者多經費告絀乾隆己丑余來  
海上檄川沙同知于方柱署令褚邦禮邑令清泰稽  
舊籌新詳議規條親加釐訂邑紳士聞風踵起新費  
有資遂捐除洋行歲輸購西牆外民廛歸院正其方  
隅堂室垣宇悉修治之改院額曰敬業規模視創始  
有加焉

仰高祠

今在儒學南

鄭洛書仰高祠記 正德十六年春上海院作仰高  
祠夏四月落之諸生高企等議鄉與宦之賢者共十

有七人世不同爵位不同賢同宦祀於左鄉賢祀於右以賓主定位皆北向孔子廟春秋丁祭畢各以羊一豕一校官祀而獻焉縣以白諸巡撫李公巡按馬公提學蕭公郡守孔公從之近代之賢未有人祠者議論未定以俟後之君子嗚呼賢者勸不賢者沮祠亦足以教矣

筠溪義塾

今廢

在三林塘鎮鎮人儲璇建

錢福有記

王氏義塾

今廢

在三林塘南積善寺前康熙三十三年

里人王仲英建

王鎬有記

上洋義塾

今廢

在北城振武臺東偏康熙五十四年知

縣尙崇安捐俸倡建雍正六年署知縣欽璉重修

閔行義塾

今廢

在母子涇乾隆十六年里人張鎬等捐

建

上洋社學 在縣東北一百二十步正統天順閒設  
各鄉凡四十九所教讀五十名生徒一千二百二十  
四名成化八年知縣王崇之重修正德末知縣鄭洛  
書以無敕額庵院爲之凡九十六所講行鄉約又隨  
社學爲社倉積穀賑飢有約長正司其出入

江震社學記 國家注意學校作興培養爲將來之  
用又慮蒙養弗端復有社學時御史陳公選提學南  
畿上海視學之餘詢及社學未有其所乃委縣令李  
侯文買縣東北市民地四畝屋若干集材鳩工悉撤  
而新闢門通道構講堂三間後堂如之中爲屋以屬  
前扶兩齋次列庖湑周築牆垣外樹坊表經始成化  
戊子秋八月落成於己丑春三月選童蒙穎秀充物  
其中擇可爲師者司訓迪予感斯舉見朝廷作興之  
盛爲文記之

南匯縣

縣學在東門內稍南傍城

雍正五年知縣欽璉建乾隆十三年知縣胡具體修二十九  
年知縣張世友訓導顧惇量重修四十四年知縣  
韓運鴻修五十八年知縣胡志熊訓導管松年修

知縣欽璉新建南匯縣學記 南匯向爲千戶所在  
上海之東南隅有城屹如置將領以守之兵民雜處  
罕黨塾術序之美及陞而爲縣百度維新典常具備  
督學使者羅其士而試之一歲之間補博學弟子員  
者若而人分儒官以任其事祭菜鼓篋之典鄉飲大  
射之文當以次舉行而黉宮闕如禮儀莫洽曷以蒸  
髦秀而樹之風聲璉奉  
簡命宰是縣不敢以興賢育才委爲異人任經營籌度購  
地若干畝於縣之東南境建大成殿立楹旁列兩廡  
前設大門門以外爲泮池施橋於上橋之前則櫺星

門樹焉繚以崇垣百城皆作卽其後爲崇聖之宮講  
堂齋舍計日告成丹雘炳煥階祀砥平宮牆之旁翦  
其荆榛易之以桃李松檜嘉樹敷蔭璧沼隄濶互相  
掩映山川秀靈之氣於是乎萃工旣竣邑多士之繁  
藉於學者請志其事以垂不朽璉惟敬敷五教昉自  
虞廷論秀書升載在周禮君國子民教學爲先  
國家以經義取士操觚角藝之流名必隸於學校而後循  
序以登春秋之榜巍科顯仕胥從是出是學固多士  
致身之所自始也繼自今願多士益自淬厲朝夕奮  
勉經明行修挾其素所蓄積者以彙征雲路彬彬乎  
文章道德之盛接踵代興前輝後耀足爲邑之光華  
俾追念於創學者之職有微勞而與其榮施則璉之  
所致望於多  
士者豈淺哉

廟制

## 大成殿奉祀

至聖先師孔子東西配位東西哲位東西兩廡從祀先儒

先賢位

詳府學  
不具載

正殿五楹東西兩廡前爲大成門列戟如剗門外爲泮池有橋又前爲靈星門東西有二坊曰溯洙曰瞻杏周以宮牆牆外有坊二東曰德配天地西曰道冠古今

崇聖祠奉祀位暨四配東西從祀位

俱同府學  
不具載

文昌祠 舊在學宮之東乾隆二十九年知縣楊宜崙建嘉慶七年錢塘張昌運偕紳士輸貲移建於東南

附吳省欽移建文星閣記

鄉會試自第一至第五號五魁魁之號多者至十六或十八而止魁星之祀

顧氏炎武謂不知始何年魁北斗第一星奎北方元  
武宿之一奎為文章之府乃改奎為魁又不能像魁  
而取魁字之形舉足而起其斗二星所主不同字音  
亦異說似辨矣實未覈也奎在西宮咸池不在北宮  
元武宿為封豕亦曰天豕曰封豕主溝瀆為天之武  
庫五星犯之主爽德律書奎毒螫殺物徐邈曰奎一  
作蜚蜚即蠶故星經以為白虎趙宋以前未有稱吉  
曜者自乾道五年五星聚奎占者為文明之兆羅氏  
泌蒼頡觀奎星圖曲之勢制文字王氏應麟改為觀  
魁星圖曲之狀皆由援神契奎章一語附會之嗣是  
奎章有閣瀛奎律髓有編林靈素至稱蘇軾為奎宿  
奏事不知五星凡聚處無不主太平者也北斗魁四  
星第一樞二璇三機四權其形若圓若曲奎十六星  
兩端銳若梭而闊安在其圖曲者以玉衡之三星合  
魁四星為中宮北斗其體尊其用廣至魁星之主科  
名太學光齋之禮狀元送錢金魁星杯盤一副宋周  
密所議也金斗高魁狀元狀傳人言此象是魁星淳祐  
開番禺李昂英送魁星與李子先詩也舉手高摘萬  
丈虹光文信國代富丹酌魁星文也手筆手金筴則  
明蔣一葵謂天順癸未崑山陸容於會試前戲寓必

朝順

定之意而圖之也我邑表廣百餘里進士科相望我  
治康熙間施清惠葉忠節尤著卽雍正甲辰榜之唐  
教授班朱少詹良裘馬大尹嚴皆金邑人今邑析自  
雍正四年丙午丁未榜之葉教諭承庚戌榜之顧成  
天雖邑人而一籍青浦一籍婁乾隆戊辰榜于季父  
樂昌尹世賢籍繫奉賢而太學題名碑錄皆誤作漢  
陽人若壬辰榜之施教授潤則又邑人而籍上海癸  
未戊戌榜于與弟省蘭碑錄始著籍南匯焉當乾隆  
二十九年靈壽楊侯宜崙於學宮之東倡修三層閣  
高五丈五尺圍十三丈上奉文昌神中奉魁星旋於  
閣之西文廟之東建惠南書院經營締造鬱焉改觀  
顧形家者言閣與大成殿脊不相中地脈又局促創  
建以來科第寥落屢議移建於隔水之太乙吳宮而  
地窪工鉅觀望勿果嘉慶七年冬錢塘張侯昌運語  
子偕孫司訓銓邑諸生莊顯王誠先後相度酌中南  
北分金爲閣專祀魁星與大顯成殿脊遙對吳乾一貫  
甚得地利侯與子兄弟各輸錢以倡築基飭材八年  
四月工與七月工歲凡高下圍徑一如其舊而地脈  
疏壟體勢聯絡邑人士欣欣喜色謂靈秀清淑之氣  
必有貫三才以昭響應者至文昌帝君比奉



旨祀與關聖帝君埒侯魁期議舉擇地與閣相比亦謂文昌之宮以魁星旁侍為失序魁更不可改為奎故正其神號昭祀於閣之最上層而予為之記

名宦祠 在學宮大成門東同上

鄉賢祠 在學宮大成門西同上

忠義孝弟祠 在學宮西雍正五年奉

敕建乾隆三十八年知縣成汝舟修五十六年生員黃大昕

監生鮑邦均等重修

節孝祠 舊在縣治西雍正五年奉

敕建乾隆三十八年知縣成汝舟移於學宮西北隅五十

六年節裔吳文郁重修

附訓導吳昌宗重建節孝祠記  
節孝祠舊在縣治之西基址狹小且地鄰犴狴位置非宜乾隆癸巳春邑侯成公面諭各節商公議移建於隙地皆踊躍樂輸當委學宮董事楊一瑾未思進鞠大勳金承恩姚安國等鳩工庀材共襄厥事凡爲正祠五間門房三間高其棟宇綜以周牆不數月而落成與重建忠義祠前後相望規模加宏敞焉竊惟共姜守義采其風詩祀婦銜哀彰諸傳記貞節之關於風俗人心者大矣南邑濱海之區人尚氣節故雖婦女尤多烈行然苟非敦詩說禮沐聖人餘教其能苦節著於生前芳名垂於奕禩也哉今得附禮門義路之旁以妥其靈而歆其祀抑何幸也而吾邑侯扶翼聖教振興祀典之意亦於是乎備矣是爲記

訓導署 在學宮左

師生員額 大清會典額設訓導一員雍正五年巡

撫陳時夏 奏分上海縣學生童隸南匯學額廩生

十名增生十名附生一百四十六名武生三十名

以後

無定額入學文童十二名武童七名乾隆二十五年學

政李因培奏撥金山衛學廩增各一名三十八年

學政彭元瑞奏裁金山衛學撥廩增各三名文武

進額各三名歲貢每四年貢一人拔貢與上海合選

學田 共一百九十八畝一分

惠南書院 在學署東乾隆甲申知縣楊宜崙准紳

士錢存寬等請建文星閣復以餘資創書院初制頭

門三間再重門五間講堂五間東側廳三間乾隆三

十九年知縣成汝舟添建頭門二間兩側廳三間廚

房五間四十九年知縣張大器仿照紫陽書院例參酌規條延請掌院按期課士五十七年知縣胡志熊添建東正廳三間書房三間

惠南義塾 在邑城隍廟東知縣胡具體倡建邑人

祝爾和捐田存草車蕩三畝九分七釐乾隆三十二年邑人王復

培延師金國鑰獨捐修脯二載今廢惟學齋尙存

鐵沙義塾 在川沙堡北門外乾隆七年邑民田京

山呈請學憲建設義學貢生瞿淳監生張芝鵬等捐田出貲構學舍三間隨有慕義之士捐田歲充修脯延師訓里中子弟現存有司田十五畝七分鹽司蕩

十六畝市房四間取息充費

鶴沙義塾 在下沙鎮

附戴良義塾記 鶴沙義塾者皇慶二年邑人雅州  
守瞿君時學之所建前為廟後為塾而廟有殿殿有  
廡廡有門塾有講堂東西有齋舍有庖有庫而先  
聖先師之祭祀師弟子之廩膳則有田一十四頃以  
給之視州縣學蓋無差等矣其後瞿氏子孫日已陵  
遲田既易主而塾遂廢至正十八年縣大夫孫日已陵  
卽故基而重構之宏麗壯密比舊有加仍勸知經之  
士割田七頃有奇以供祭祀廩膳之費及蘇君宗瑞  
之來為縣也以學政勿舉生徒散去遂延禮儒士易  
蒙俾主塾事蒙於教養之暇以興修廢墜為己責祠  
宇之未具者增之禮器之勿完者足之租稅之不實  
者正之其屋廬之多寡田畝之廣袤亦既立備正以  
稽其數嚴契券以表其畔尤懼後  
之人或失之也謹伐石以載始末

敦仁里義塾 一名鄉約所在韓家蕩西殷家浜北

雍正十三年里士秦秉謙等捐田贍師訓誨一方子弟乾隆五十八年秉謙子應紱等將義塾所存田畝呈請邑令胡志熊移建惠南書院

安仁義學 在八團乾隆二十八年張之濫捐田四十一畝二分五十八年邑令胡志熊詳移惠南書院作爲經費

### 青浦縣

縣學在邑之吳隅

明萬歷元年復設青浦知縣石繼芳卽顧氏義塾立學地爲顧少卿金棟等所捐首建 先師廟其後光祿寺

丞顧正心捐千金修學宮學制始大備九年知縣屠隆  
築師古齋清風亭闢廟前地二畝餘臨河焚石闌建興  
賢育材二坊於左右二十四年久雨學宮壞知縣卓鈿  
重修三十二年知縣韓原善改建狀元解元二坊於廟  
之左右爲解元呂克孝狀元張以誠建三十六年推官毛一鷺建尊經  
閣於廟後別作明倫堂於廟左構東西二齋徙啓聖祠  
於西齋之北堂後改建敘諭訓導宅繚以周垣自建縣  
以來增葺凡四至是而規模壯麗矣天啓六年颶風壞  
學舍知縣鄭友元重修

高承祚修學記 青浦諸署皆卑庳頽敝而儒學爲  
甚蓋中更汰革而重建於萬歷初元維時翦荆榛而

城市樓櫓版築之役十元奉雉牒十一以奉官府社  
稷贊舍又邑故庫址塗泥而堂構地力多取少堅以  
故傾欹頽毀劍浦卓侯來宰是邑捐俸入搜羨錢總  
得若干緡乃鳩工庀材經始於丁酉秋九月竣事於  
冬十一月廊廡修潔庭戶所塏又益以興賢育才二  
坊旁及崇祀秩然肅然俎豆輝煌稱祀典矣侯以興  
起斯文爲己任凡所注厝事集民安以故役不知與  
民不稱厲青邑新創當侯世而解首之發若與重修  
贊官爲桴鼓之答尤非偶然則皆侯實心實  
政之所鼓舞也侯名錕號榮麓福建沙縣人  
陳繼儒重修學記青浦自隆慶間給諫蔡汝賢請  
建縣始其修學自萬歷開光祿廖正心捐千金始學  
基地勢窪下齧之以大潦剝之以怒雨烈風旋致棟  
宇摧頽牆壁僂仆長吏循朔望率一至弦誦不聞章  
縫不集者久矣鄭侯楚材下車適當甲子水災之後  
廳事上漏下濕賓館洞穴可竇視學廟疾趨而過幸  
無患不則幾且覆壓焉鄭侯睨而歎曰庠序之廢乃  
爾識者責備於有司何辭以對第邇來民無積聚公  
無羨財鉅費安所從出乃捐俸首倡與博士林公江  
公舉金有聲爲監督以錢庀工以值傭力撤兩旁之



廬以敞學門之勢築隔河之牆以收明堂之水氣象  
軒爽風氣盤滌自丁卯春經始告訖仲秋士民來游  
來觀曾不意其神速至此夫增庫爲崇開隘爲廣飾  
陋爲華是名曰修今腐者易以良材頽者易以完甃  
墁者易以繪絲雖仍舊贊咸與維新是名曰創夫修  
者之功而與創者等何也侯治邑廉諡右文愛士勸  
相勤而綜理密故子來如雲工成不日悉本躬行慰  
勞之所致修廢舉墜不出尋常縣序中而士大夫服  
其豈弟作人之實殆古之文翁常袞哉既伐石紀之  
而復爲銘以告曰五倫六經學校所出日居月諸棟  
橈壁立鄭侯戾止引爲己責乃陶乃甃乃匠乃石美  
哉輪奐與蜚鳥革文明肇開潛龍起蜇鞭霆走電神  
光辟易祥豈虛生應在縫掖侯召士前提撕警策毋  
比匪人以近有德大成孔子景行維則暮春童冠當  
暑絺綌秋陽江漢歲寒松柏四時氣備萬古人極誦  
三百詩學五十易飲顏淵瓢鼓曾點瑟庶幾不負鄭  
侯之宮牆博士之講席乎諸  
君曰善敢不書紳服之無斁

國朝順治六年知縣王璘重修十年教諭王秉彝重修十

六年教諭陳覺先構學舍五楹康熙四年知府張羽明同教諭任國寶修正殿及明倫堂七年知縣魏球建文昌書院於明倫堂左又修啓聖祠大成殿禁學潭捕魚者斃石關康熙二十年知府魯超檄修學宮其後訓導陳堂謀捐俸重修二十七年知縣張庚大修學宮重修尊經閣會効去未竣康熙四十一年署知縣許鉦重修尊經閣又卽文廟右之射圃堂改爲敬一亭以復舊觀且奉朱子石刻像於其中雍正三年教諭蘇鍾眉重修四年分置福泉縣以教諭專理青浦學事以訓導專理福泉學事乾隆八年奉裁復仍其舊十三年知縣萬方

極重建大成殿復修崇聖殿尊經閣二十九年知縣趙  
天勲訓導費天修重建興賢育才二坊以復舊觀後教  
諭朱玉成訓導張世煌修四十年教諭朱玉成訓導張  
錦重修大成殿崇聖祠五十三年知縣孫鳳鳴教諭王  
希伊訓導朱澍功重修大成殿嘉慶八年知縣溫恭教  
諭王光燮訓導臧開仕重修大成殿尊經閣

王原重修學記 自青浦建學後三十八年始建尊  
經閣年久就廢雖學宮累有修葺而閣工浩大難竟  
鮮議及者康熙二十七年惠來張侯庚至始議重建  
大修殿廡擴隘崇卑移啓聖祠於儀門之左設圍於  
聖殿之右百廢具舉輪奐聿新而功之最鉅者莫如  
尊經閣侯仍其舊址廊其新模爲室五楹爲閣三層  
延袤六丈高稱之曹生淳獨輸三千兩而諸紳士又  
醵金一千七百兩襄之役未就張侯以効去代者至

無過而問焉踰十年為康熙辛巳蘇州通判許侯鉅  
攝邑築閣始訖工又重建明倫堂於是張侯未竟之  
緒賴以不墜嗣是邑人舉同文會朔望集學宮量輸  
儲用次第恢復開外基址之占敞於民間者閣之後  
周遭臨水壘石為岸築垣為衛濬深崇高閣始孔固  
且安矣至如甃甬道峻廉陞絙石衢通溝減飭戶牖  
周器用易朽蛙補鱗漏闕汗萊治畦園樹木交蔭鳥  
鼠攸去月省時稽靡敢怠焉又改射堂為敬一亭供  
奉朱子石像文昌閣崇德門儒學門之頽敝者亦具  
修葺此皆取諸同文會不煩令長董率者也諸君子  
咸請余為記以文勒石余何敢辭夫學校之設所以  
養育人才為國家之用也聖人之教莫備於經故樂  
正崇四術立四教順先王詩書禮樂以造士大樂正  
論造士之秀者以告於王而升諸司馬辨論官材論  
定然後官之蓋古之學校選舉出於一途是以士有  
定而學無他歧朱子貢舉議云古者大學之教以格  
物致知為先而其考校之法又以九年知類通達強  
立不反為大成學者若合所當讀之書而分之以年  
使之各以三年而分試之治經者必守家法答義者  
必通貫經文條舉眾說而斷以己意如是則士無不

通之經無不通之史而皆可用於世矣今之科舉雖未悉依其法而亦略本乎此使學者依今之制本古之意如是而為世用也豈非有本有文之士與是故為治必先學校而學校尤必尊經凡我鄉人子弟游於校者其可勿念之哉

聖天

萬方極重建大成殿記 國家首重學校學分鄉國而必立廟以妥先聖先賢栗主者所以千秋萬世知所宗也乾隆十三年春二月恭遇

子東巡躬臨闕里釋奠几筵禮至隆典至鉅王政之本風教之源悉基於是方極承乏青邑三載習見邑人士敬理學宮朔望彙資以儲修繕黜堊丹漆內外齊整而梁棟之朽壞者為承塵所障固未之審也客歲丁卯六月大成殿之西北隅忽傾圯過半余亟往觀慮工次浩繁勢將請帑謀諸紳士而紳士奮起以為構廬楹桶舊用松木性鬆易蠹今須撤舊制選良材作久遠計咸願出私錢以任任心甚樂之爰率先捐俸兩司教亦共相扶助焉經始於秋八月二十四日至戊辰五月五日告竣基址廣袤仍其舊而升高盈尺梁木用杉圍柱易石精堅聳峙金碧輝煌規模

不已盡善也哉考青浦之建大成殿也自明神宗元年移治唐行鎮爲縣始厥後一修再修詳載省郡縣志今則煥然更新可以苞桑永奠矣計費一千二百十兩零以其贏餘兼修崇聖殿尊經閣門廡宮牆等且及義學焉夫以彈丸瘠地而爭輸恐後鳩工庀材者經營勞瘁無間晨夕心公而慎慮周以密其制也固其成也速非守斯土者之幸歟顧余藉諸紳士之力相與有成而下邑士風之振悉本我

皇上

尊崇至聖化被東南洵所謂濟濟多士克廣德心者耶則又非方極一人之私幸也已爲之紀其顛末

附載碑陰云

嘉慶八年重修學記作大事必以時時者天所爲也人所爲也非天降康衆力不裕非人協和衆志不乎其志乎其力裕因其時以圖其事固未嘗不從容就緒者我於青浦學宮之修而益以知乘時之可貴也學建於前明迄今且三百年乾隆癸亥大成殿圯邑人捐貲繕葺僅蕝事其他未遑修治也自是因循補綴綿歷歲年漫漶之餘浸以朽蠹拜於庭者莫不惻然於懷咸以役重費繁莫肩其任

皇上御極之八年邑屢豐收民殷士樂會西園牆圯塌數十丈不數日忠義祠亦圯其半教諭王君光燮以事不容緩而時之適可爲也咨於邑令溫明府謀其紳士之急公者鳩工誦吉且募且修閭邑歡欣踊躍恐後時先中憲公自蜀旋里與經理焉蓋經始於癸亥之二月落成於本年十月半年之間而大成殿及東西兩廡崇聖祠尊經閣名宦鄉賢祠忠義祠敬一亭明倫堂戟門靈星門崇德門泮池三橋興賢育才兩坊萬仞宮牆學宮水道靡不舍舊從新去敝就整遠近傳播絡繹瞻仰於戲何其速也豈非時會使然哉先是形家言學潭東南隅宜建奎閣於水中以免宜萬之患嗣於學宮告竣同人購木石劍樁將俟來年興工逢歲之儉至今未果噫較之學宮之修先後數月間耳而有成有不成判然若此豈非時會使然哉董其事者有感於奎閣之未成而益幸學宮之大成屬予記其本末而請新令尹林公艱亭先生書之觀亭嶺表知名士歷任徐海劇邑振興文教遐邇嚮風翰墨詞章又其餘事今下車伊始新政釐然誠地方之福也邦基卽日供職春明家郵傳述奎閣之建得賢父母玉成之當爲以手加額焉邑人工部主事吳

邦基

記

廟制

### 大成殿奉祀

至聖先師孔子東西配位東西哲位東西兩廡從祀先儒

先賢位

詳府學  
不具載

正殿五楹東西兩廡前爲大成門列戟如制前爲泮池跨石橋又前爲靈星門面以石闌前爲學潭潭之前爲萬仞宮牆廟後爲尊經閣崇聖祠在殿之東南名宦祠在戟門左鄉賢祠在戟門右儒學在廟門之東進爲明倫堂文昌閣在其左忠義祠在其右又進



為教諭宅訓導署在東南其前為孝子祠土地祠在  
儒學門之西朱文公碑亭在鄉賢祠之西節婦祠在  
廟西

崇聖祠奉祀位暨四配東西從祀位俱同府學不具載

文昌祠祀尊經閣內

名宦祠祀晉左將軍湘西伯袁山松宋監鎮趙彥致  
兩浙轉運副使姜詵明知縣石繼芳屠隆鄭友元韓  
原善卓鈿羅朝國

國朝知縣姜維嵩李瑄魏球張庚已祀府學者即不復載

鄉賢祠 祀晉陸機陸雲宋章叅應列名宦祠云鄉賢誤 衛涇

今奉賢之蕭塘人雍正四年以前曹應符元章夢賢皆華亭地與青浦無涉邑志誤

章元澤明夏禮顧英張時泰陸鵠陸從大李諫張爾

嘉顧從禮蔡汝賢張霆高企楊道亨張以誠沈匡濟

李世祺張延年諸鶴年

國朝諸舜發諸嗣郢李淑陸從龍張驊諸懋敏孫日隆葉

之奇孫彥朝諸宏謙

附顧從禮名宦鄉賢祠記 學必有廟以祀孔子又必有名宦鄉賢二祠以祀有功德於民與鄉先生之沒而可祀者所以善風俗厚綱常表忠孝誠大典也吾邑自復設以來庶事草創名宦鄉賢尚未有祠萬歷己卯四明屠侯來茲邑乃白於督學御史李公嶽義塾材建興二祠於殿廡儀門之左右祀中丞林公潤邑侯石公繼芳於名宦祀憲副夏公禮揚公道亨同守張公霆贈尚書陸公鵠先太守公英學博張公

時泰文學高公企於鄉賢俎豆有光茲歌乃聞既而學博易君與多士謀勒石祠下以垂永久屬從禮記其事

云

忠義祠 在學宮左乾隆四十九年教諭王希伊建

祀明旌表孫訥諡烈愍孫士美諡忠裕陳子龍

節孝祠 在儒學西卽魏球青山棠院改建

孝子祠 在儒學西祀孫琮

教諭署 在明倫堂後

訓導署 在學宮左

師生員額 大清會典額設教諭一員訓導一員歲

科文童取進二十五名武童十五名廩生二十名增

生二十名歲貢每三年貢二人拔貢福泉未裁兩邑  
合選今屆拔貢之年特選一名

學田 共三百五十二畝九分五釐一毫

教諭訓導分管漁

蕩租銀五十餘兩

青溪書院 在萬壽塔右始於嘉慶丙辰知府趙宜

喜知縣盧煖溫恭用義學改建有兩江總督費淳碑  
記嘉慶十八年紳士呈縣請遷知縣馬紹援捐廉買

新縣場戴氏官房改置

兩江總督費淳記

青浦縣治薛澱湖匯其西吳松

江徑其北而三泖沖融迤邐於其南橫雲蘭筍諸峯  
雲霏黛合山水之靈秀萃於士林故材第甲於他縣  
朗人秀士日出而不窮往時官斯地者思拔其穎異

集於書院以陶淑之相地於城南萬壽塔之旁將次第創造而經費繁重作而旋輟嘉慶丙辰南豐趙君來守松江三載歲稔人和乃籌畫而經營之邑中人土踴躍從事趙君借署令盧君出清俸爲助於是講堂書舍與夫庖廩之所靡不具舉飲食紙筆之需咸有所給且延致鄉先生中德業聞望之最者爲之師而求子文以記焉予惟書院所以佐學校之不及自朱四大書院載於玉海文獻通考其後賢守令仿而行之元明以來遂徧於天下然王氏元翰續撰通考紀書院於學校之後已有有名無實之慨蓋以守令誇人材之衆不復別其良楮士之上者爲聲名次者徇利祿不肯刻苦自勵歸諸實行故也今幸值重熙累洽觀人文以化成天下而青浦書院之成適在其時爲守令者旣以德行道義相勸勉士子亦知近文章覃經術將見材德之成倍於往昔斯又予所樂得而觀其盛者也於是乎書

孔宅書院 在海隅鄉慧日寺側故爲孔子廟宋因其地撥寺之半租立書院以養士元初爲寺僧所據

至正初寓公蔡廷秀言於府請上行省置山長府上其言不報里人張弼嘗修飾迎師以淑鄉之良俊

附孔廟紀序 青浦縣治北故有夫子廟宋淳熙間里人濬渠得玉璧三環二簪一蓋隋末孔氏三十四代孫禎宦游至吳遂僑寓為吳人立家廟葬先聖衣冠於此璧環乃墓中物也今廟貌剝落墓址蒿萊郡司里毛公司馬尤公邑侯韓公竝次第捐助竭塋塢工若墓若殿若軒若門徑若耳房若橋道若棹楔凡三越月而告竣焉夫國家二百餘年來松號劇郡而先聖衣冠俎豆之墟竟化為荆榛狐兔豈宦斯者奪於簿書期會不暇式間問俗與豈生長斯者忽於見聞耳目不及訪故老修營缺少與豈地靈隱顯徵千百而有待與茲者郡邑諸公一時攬轡而謁遣餉若干贍將作而應陽陸君拮据風雪中三越朔坐使千百年狐兔荆榛一旦登之於衣冠俎豆謂不有異數哉申時行序

清忠書院

在青龍鎮西南

本章夢賢義塾至正中其子元澤請於朝以清

忠二字  
易今名

附書院記 故宋太師中書令卹國文簡章公得象  
以才能相仁宗上嘗書清忠二字賜之曰卿以此道  
事朕三十年矣故子孫世守是訓以爲家法公之從  
子知樞密院事秦國莊敏公案始仕試大理評事監  
華亭鹽樂其風士卽家焉青龍之有章氏自茲始莊  
敏九世孫葵州路蘭溪州知州夢賢置莊以賑族姓  
建塾以教鄰里子弟之俊秀經度基宇規制皆定事  
聞於朝門表義士旣而公授公長子元澤懼廢成緒  
謂義以教爲急乃繕完塾宇作大成殿奉正配位像  
羣賢從祀東西廡具釋奠禮器尊疊籩豆簠簋坩  
如學官制講有堂齋有舍儲書有閣門垣倉庖湔澗  
無不畢具至正五年春二月告成額曰清忠以不忘  
家法淵源之自又念義塾私家之有也不若隸於公  
有司之可久復請於朝改爲清忠書院院長主之直  
學管其會計田以畝計者千有一百歲入米六百石  
資師弟子廩餼置祠宇奉卹公祀崇其本也右配秦  
國重始也左配蘭溪尚功也方事之殷塾師天台胡  
世儀與有協贊力元澤官至奉政大夫海道都漕運

萬戶府鎮撫以母太夫人耆年辭歸侍養孝行有足稱者嗚呼蘭溪公遠承邵秦二祖遺澤思以義亢宗事已克成而奉政公乃能卽舊規而恢拓之用宏先烈貽後則何其宗之多賢子孫耶此鄉之人蒙賴教迪文而有禮則清忠餘澤所被遠矣故書至正十一年二月鄉貢進士教授徽州路儒學胡世佐記

德寧書院 在廬山下後爲提督梁化鳳祠

澱湖書院 在珠街角鎮慈門寺側知縣□□建

青龍鎮學 在鎮東北宋趙彥敵建里人任陳二大

姓嘗葺飾之中有聚星堂敕書樓

附杜孝嚴鎮學記 玉牒趙君爲青龍鎮至之日求謁先聖吏白以無其所君心病之遂與謀師友講習之地以請於郡且捐俸錢三十萬以爲倡太守吳中聞而嘉之助以郡緡如君之數於是士皆翕然買田於鎮治之東北二百步高燥衍夷廣袤百丈作大成殿於其東營四齋於其西曰博文敏行思忠篤信



蓋取夫子四教之義講堂中峙翼以先賢魁星之祠  
旁列主學職事之次門屋廊廡倉庫庖廩無不畢備  
又以其間田築射圃濬清池植以花木繞以周牆役  
與於辛巳之夏而成於壬午之春為費三千緡皆一  
鎮之士共成之陳生公廩獨任其三之一又舍田租  
六百斛以為丁祭公養之用自今一鎮之聚君子相  
與磨礱砥礪為有用之學以自奮於明時小人聽弦  
誦之聲瞻鐫鐫濟之容父子兄弟轉相詔告而孝弟輯  
睦之風興矣余嘉趙君所官不高有民不衆而所知  
者本所務者大有得於作人成俗之誼故喜為之記  
鄭自誠題額葛從龍書嘉定壬午  
監嘉興府青龍鎮稅趙彥敵立

王氏義塾 在珠街鎮王氏宗祠內乾隆四十五年

邑人副都御史王昶建

附王昶祠塾規條序 范文正公及吾郡張氏皆置  
負郭給米以贍郡族少時先大夫屢以為言昶志之  
不敢忘自丁丑登仕服官二十餘年今春宗祠始落  
成欲置田以副先大夫之志而力不足以及之竊念

給米之制贍其身己爾若盡族人子弟設塾而加以  
教焉設有一二異材者出繼績而昌大之將族人復  
得所庇蔭卽或僅爲博士弟子或并博士弟子不能  
而八歲入塾二十三歲出塾十五年中年日聞先生之  
教日誦詩書禮樂之訓其於仁義道德孝弟忠信之  
旨必稍有解且習以規言矩步卽有驚凌亢暴放  
恣佚健之徒磨礱漸革變氣質移性情上之可幾君  
子而下亦不至小人之歸則有益於人材者甚大於  
是悉以田若干畝置之於塾以供祭祀及子弟喪有  
之用且老幼婦之貧者貧且病者月有給婚喪有  
助考試有支以示同恤又畀以書四萬卷金石文字  
一于餘卷教養之資犁然粗具所定條例皆本於先  
大夫未逮之志而實於三禮參以家禮書儀及范氏  
規矩張氏規條或時異勢殊則用其意而變通之自  
惟歷官日淺稍食所贏者寡且草創未暇故不止於此  
擴而大之將有待於後日雖然創之難繼之不易考  
范文正公於慶歷元年任資政殿學士創置義田至  
治平元年纔二十四年耳忠宣之創已有一百七十餘年  
不遵規矩五七年漸至廢壞之語後一百七十餘年  
至嘉定三年司諫范之柔遂奏言田畝僅存蠹弊百

出蓋繼續之不易如此至張氏奏建義莊事在雍正七年今其田幸而獲存而義莊亦將鞠爲茂草矣吾家世德未必遠邁古人乃欲久而無敝豈能逆料哉雖然誠以守之儉以用之精心以計之古之人所難繼或未必不可繼也其中蓋有天焉

橫溪義塾 在唐行鎮

附戴良義塾記 橫溪在上海西去縣治百里主簿陳君以公事至其地偶見顏垣廢址隱隱荆棘中進父老而問焉則前縣尹何君緝所建社學也蓋規制將完而蕩於兵火又北行若干里復見所謂孔宅者宅已墟而先聖之廟獨存愚民以異端士偶雜祠廟中禱賽祈禱必於是乎在君曰嘻吾其可以繼何之志矣遂撤土偶投諸水遷聖像於向所建學處徙其廟爲禮殿以居之而益之以四配仍設兩廡師弟子歲舉春秋二丁之祀事且勸慕義之士出田二百五十畝以供祭祀教養之費亦既畢事乃言於其尹率鄉之士民釋菜於先聖先師落成之後數月其士民爲之請記嗚呼橫溪去縣治既遠風氣清淳

習俗渾厚其民固易使也繼今以往復能以君之所  
期待者尊信而從事之君之遺愛豈有既乎君名聚  
字敬德臨  
海人也

金澤義塾 在金澤鎮里人林青建

谷澤義塾

在澱湖東郡人謝伯禮建

楊維禎有記

徐氏義塾

在七寶鎮里人徐壽建孫三重重修

沈氏義塾

在珠街鎮東康熙閒邑人同知沈采建

今爲眞靜庵

青浦社學

凡一十七所知縣卓鈿建在城重固北

簞山七寶鎮鍾賈山崧宅小蒸金澤廣富林杜村白

鶴江黃渡青龍鎮趙屯泰來橋珠街角古塘橋等處

今廢

川沙撫民廳

未立學校

童生考試由上南二學報名應試